

NAMMINERSORNERULLUTIK OQARTUSSAT
KALAALLIT NUNAANNI KOMMUNEQARFIIT KATTUFFIAT

**ANINGAASANUT PILERSAARUSIORFIMMUT 2005-IMUT KOMMUNINUT
ATAATSIMOORTUMIK TAPIISSUTISSAT PILLUGIT ISUMAQATIGIISSUT**

Illua'tungeriit isumaqatigiissutigaat naalakkersuisut Inatsisartut 2005-imi aningaasanut inatsisisaannut siunnersuummi kommuninut 2005-imut ataatsimoortumik tapiissutissatut 798.130.000 kr.-nik aningaasaliissuteqarnissamik siunnersuuteqassasut. Ataatsimoortumik aningaasaliissutit taamaallillutik 2004-mi tapiissutinit 17,8 mio. kr.-nik amerlanerussapput. Ilaliussaq 1-ip takutippaa isumaqatigiissutip ataatsimoortumik tapiissutit 2004-mut naleqqiullugu qanoq allannortikkai. Isumaqatigiissummi immikkoortut ataasiakkaat matuma ataani eqqartorneqarput.

1. Akinut akissarsianullu iluarsiiissutit

Illua'tungeriit isumaqatigiipput 2004-mi ataatsimoortumik tapiissutit 780,4 mio. kr.-usut 2,65 %-inik akinut akissarsianullu iluarsiiissuteqarfiginiarlugit, tamannalu 2005-imiit 20.645.000 kr.-nik naleqarpoq.

Illua'tungeriit isumaqatigiipput akinut iluarsiiissutissamik (prisindeks) nutaamik pisortat ingerla-taannut tamanut atortussamik 2004 naatinngu pilersitsiniarlutik. Akinut iluarsiiissutissap aallaavigi-sinnaavaa Kalaallit Nunaanni Naatsorsueqqissaartarfiup atuisartunut akit iluarsiiissuteqarfigineqar-tarneranni nioqqutissat najoqqutarisartagai, tamannali pisortat nioqqutissanik sullissinernillu atuine-rata qanoq katitigaanera najoqqutaralugu sunniuteqartinneqartassalluni. 2006-imi ataatsimoortumik tapiissutissat isumaqatigiinniutigineqarnissaanni akinut iluarsiiissutissamik nutaamik, siunissami akit akissarsiallu iluarsiiissuteqarfigineqartarnissaanni tunngaviusussamik, illua'tungeriit pilersitsi-sinnaapput, taavalu aningaasanik pilersaarusiornikkut suleqatigiinneq pillugu isumaqatigiissutissaq tassunga naapertuuttunngorlugu aqqissorsinnaallugu.

2. Siusinaartumik soraarnerussutisiat

2.1 Siusinaartumik soraarnerussutisiat aningaasalersorneqartarnerata 10/90-imiit 50/50-imut sunniutaa

2001-imi 2002-milu kommuninut ataatsimoortumik tapiissutit pillugit isumaqatigiissummi il-lua'tungeriit isumaqatigiissutigisimavaat ataatsimoortumik tapiissutit iluarsineqartassasut siusinaar-tumik soraarnerussutisiat kommuninut aningaasalersugaanerisa 10 %-imiit 50 %-imut qaffanneran-nut kommunit qanittoq ungasinnerusorlu isigalugit tamakkiisumik taarsiivigineqartartussanngorlu-git. Taamaattumik illua'tungeriit isumaqatigiissutigaat ataatsimoortumik tapiissutit 2005-imiit 3.686.000 kr.-nik qaffanniarlugit.

2.2 Siusinaartumik soraarnerussutisartut nutaamik nalilersoqqinnissaannut periarfissat

Illua'tungeriit isumaqatigiipput siusinaartumik soraarnerussutisiallit amerliartornerata, soorlu as-sersuutigalugu soraarnerussutisiaqarnermut tunngaviusup nutaamik nalileqqinnissaanut periarfissii-nikkut, kigaallatsinnissaanut periarfissat misissorumallugit. Illua'tungeriit isumaqatigiipput siusi-naartumik soraarnerussutisartut utoqqalinersiallillu pillugit peqqussutip peqqussutitut immikuul-larissunut marlunnut avinneqarnissaata siunnersuutiginnissaa isumalioqqutigiumallugu, aammalu

siusinaartumik soraarnerussutisisartut soraarnerussutisiaqarnissaannut tunngaviusup nalilersoqqineqarnissaata allaffissornikkut aningaasatigullu sunniutissaasa misissornissaannut tamanna atatin- niarlugu.

2.3 Piginnaanngorsagaaqqinneq

Kommunit siusinaartumik soraarnerussutisianut aningaasartuutit 50 %-iinik 2002-miit aningaasa- lersuilernerannut atatillugu timikkut piginnaanngorsaaqqittalernissaq atulersinneqarpoq, tamatuma- ni kommunit piginnaanngorsaaqqinnermut aningaasartuutaasa affaat Namminersornerullutik Oqar- tussat utertillugit akilertarlugit. Illua'tungeriit isumaqatigiipput piginnaanngorsaaqqinnissamut pe- riarfissat piviusut sapinngisamik piaarnerpaamik tikkuartorumallugit, aammalu piginnaanngorsaaq- qinnikkut ilungersuussinerulerneq siusinaartumik soraarnerussutisisartut pillugit peqqussutip al- lanngortinnissaanik kissaatigisamut atatillugu isigineqassasoq.

3. Utoqqalinersiat

Utoqqalinersiaqalernissamut ukioqqortussusissamut killiliussaq 1.1.2000-imiit 60-inik ukiulinniit 63-inut ukiulinnut qaffanneqarpoq. Illua'tungeriit 1999-imi isumaqatigiissutigaaat kommunit allan- ngortitsinikkut immikkut aningaasartuutigisaat ataatsimoortumik tapiissutini ukiumut 2,0 mio. kr.- nik kommuninut taarsiissutigineqartassasut. Illua'tungeriit isumaqatigiipput 2 mio. kr.-inik taarsiis- suteqartarneq, ukioq aningaasanik pilersaarusiortusoq 2000 pillugu ataatsimoortumik tapiissutissat pillugit isumaqatigiissutikkut ataatsimoortumik tapiissutinut ilanngunneqartut attatiinnarneqassasut.

4. Ingerlatseqatigiiffiit akileraarutaat

Namminersornerullutik Oqartussat ingerlatseqatigiiffiit pigisaminnik nalikilliliisarnerannut malitta- risassat 2001-imi allanngortinnerisigut pisortat akileraarutitigut isertittagaat amerlisissimavaat. Taamaattumik illua'tungeriit 2001-imi isumaqatigiipput ataatsimoortumik tapiissutit ukiuni 2002- mi 2003-milu ukiumut 5 mio. kr.-nik ikilisittarniarlugit. Akileraartarnermut Pisorta qarfiup 2003-mi naatsorsorpaa 2002-mi isertitat illua'tungeriit 2001-imi naatsorsuutigisaannit amerlanerusut. Taa- maattumik illua'tungeriit 2003-mi isumaqatigiipput ataatsimoortumik tapiissutit 2004-mi suli 5 mio. kr.-nik aammalu 2005-imiit suli 5 mio. kr.-nik ikiliseqqinniarlugit. Taamaattumik illua'tunge- riit isumaqatigiipput ataatsimoortumik tapiissutit 2005-imiit 5.000.000 kr.-nik ikilisinniarlugit.

5. Meeqqat atuarfiannut ilanngutsitsineq

1995-imi atuarfinnik nutarterinermi illua'tungeriit isumaqatigiissutigaaat ikaarsaariarnerup nalaani ukiuni 12-ni kommunit ilinniartitsisut akissarsiaannut aningaasartuutimik amerlissutaannik taarsii- vigeqartassasut. 2005-imi kommunit 1.436.000 kr.-nik taarsiivigineqassapput, taakkulu ilanngunne- qassapput. Isumaqatigiissut 2006-mi aggustip aallaqqaataani atuukkunnaassaaq, taamaatumillu kommunit 2006-mi ukiumut taarsiissutaasartut 7/12-iinnaanik taarsiivigineqassapput.

6. Atuarfitsialak

Atuarfinnik nutarterineq Atuarfitsialak peqatigalugu klassit aqqarnat atorunnaarsinneqarpoq. Kom- munit 2009-p tungaanut ikaarsaariarnermi nalunaaqquttap akunnerinut aningaasartuuteqarnerulerput ataatsimoortumik tapiissutitigut taarsiissutaasartunik. Atuarfitsialak 2009-mi tamakkiisumik inger- lalersimassaaq, tamatumalu kingorna ataatsimoortumik tapiissutitigut taarsiissuteqartarunnaassaaq.

Illua'tungeriit isumaqatigiipput ataatsimoortumik tapiissutit 2005-imi 426.000 kr.-nik qaffanneqas- sasut. Illua'tungeriit 2006-mi ataatsimoortumik tapiissutit 0,2 mio. kr.-nik appartinniarpaat. Illu-

a'tungeriit 2007-imi ataatsimoortumik tapiissutit 0,3 mio. kr.-nik qaffanniarpaat, taavalu illua'tungeriit 2008-mi ataatsimoortumik tapiissutit 6,3 mio. kr.-nik appartinniarlugit.

7. Meeqqanik inuusuttunillu ulloq unnuarlu paaqqinnittarfiit

7.1 Meeqqanik inuusuttunillu ulloq unnuarlu paaqqinnittarfiit pillugit aningaasatigut pilersaarutit

2005-imi ulloq unnuarlu paaqqinnittarfinnut aningaasartuutit tamakkerlutik 114.409.000 kr.-inut missiliuunneqarput. Namminersornerullutik Oqartussat naatsorsuutigaat 2005-imi innarluutillit qulit meeqqanik inuusuttunillu ulloq unnuarlu paaqqinnittarfinniitinneqarumaartut. Innarluutilimmik ataatsimik meeqqanik inuusuttunillu paaqqinnittarfinniititsinermut akiliut ukiumut 600.000 kr.-uvoq. Meeqqat qulit ukioq naallugu taama inissisimaneqarnerinut Namminersornerullutik Oqartussat katillugit 6.000.000 kr.-nik akiliuteqarnissaat naatsorsuutigineqarpoq.

Kommunit aningaasartuutissaat taamaalillutik 2005-imi 108.409.000 kr.-nut missiliuunneqarput, taakkulu 50 %-ii 54.205.000 kr.-usut kommuninut ataatsimoortumik tapiissutit ikilisinneqarneratigut aningaasalersorneqartussaapput. 2004-miit kommuninut ataatsimoortumik tapiissutit 40.230.000 kr.-nik ilanngarneqarnerat ingerlateqqinneqarpoq, aammalu akinut akissarsianullu iluarsiiissutit 854.000 kr. ingerlateqqitaareerlutik. Taamaattumik kommuninut ataatsimoortumik tapiissutit 2005-imi 13.121.000 kr.-nik ikilisinneqassapput, taakkulu tassaapput: (54.205.000 – 40.230.000 – 854.000) kr.

Kommunit aningaasartuutaasa tamarmik 108.409.000 kr.-iusut ilaat 3.600.000 kr. ulloq unnuarlu paaqqinnittarfiit avatimikkut silap pissusiinut assiaqutaasa aserfallatsaaliorderinut atorneqartarput, 1.506.000 kr.-llu tarnip pissusiinut tunngasutigut ikiuineranut tunngasunut atorneqassapput.

7.2 Meeqqanik inuusuttunillu ulloq unnuarlu paaqqinnittarfinni siunissami atuinissamut iluarsiiissutit

Illua'tungeriit isumaqatigiipput meeqqanik inuusuttunillu ulloq unnuarlu paaqqinnittarfinni atuinerussut/imaluunniit atuinikinnerunerussut pillugu ukiumoortumik naatsorsuutit kingornagut, ukiumi naatsorsuiffiusumi aningaasaliissutinut sanilliullugu, ukiut aningaasanik pilersaarusiorderiusut aappaanni iluarsiiissuteqarfiginiarlugit. Illua'tungeriit taamaalillutik 2005-imi atuinerussut/imaluunniit atuinikinnerussut tamakkerlugu 2005-imi ataatsimoortumik tapiissutit pillugit isumaqatigiissummi iluarsiiissuteqarfiginiarpaat. Naalakkersuisut 2005-imi inatsisissamut siunnersuummi ukiup naatsorsuiffiusup kingornagut aningaasanut ukiut aappaanni meeqqanik inuusuttunillu ulloq unnuarlu paaqqinnittarfinni nuna tamakkerlugu atuuttuni atuinerussutip/imaluunniit atuinikinnerussutip ingerlateqqinnissaanut Ilaqutariinnermut Peqqissutsimullu Naalakkersuisumut pisinnaatitsissutaasusamik oqaasertaliinissaq siunnersuutiginiarpaat.

7.3 Meeqqanik inuusuttunillu paaqqinnittarfinni 2003-mi atuinerussutit

Illua'tungerii isumaqatigiipput meeqqanik inuusuttunillu ulloq unnuarlu paaqqinnittarfiit nuna tamakkerlugu atuuttut 2003-mi atorsimagaat 83.029.000 kr. Aningaasartuutit 50 %-iisa siumoortumik aningaasaliiffiginissaat eqqarsaatigalugu kommuninut ataatsimoortumik tapiissutit 2003-mi 39.410.000 kr.-nik appartinneqarput. Kommunit 2003-mi akiliutaat 37.674.000 kr.-upput. Kommunit 2003-imi akiliutaat taamaalillutik katillugit 77.084.000 kr.-upput.

Kommunit aningaasaliissutaannut naleqqiullugit 2003-mi aningaasartuutit amerlanerussutaat taamaalilluni 5.955.000 kr.-upput. Illua'tungeriit naatsorsuutigaat taakku ilaat 1.800.000 kr. innarluuti-

linnut tunngassuteqartut Namminersornerullutik Oqartussanit aningaasalersugaasut. Taamaattumik illua'tungeriit isumaqatigiipput 2005-imut ataatsimoortumik tapiissutit 4.155.000 kr.-nik appartin-niarlugit, taakku naligalugit ulloq unnuarlu paaqqinnittarfinnut nuna tamakkerlugu atuuttunut kom-munit 2003-mi akilinngitsuugaat.

Illua'tungeriit ilimagereerpaat meeqqanik inuusuttunillu paaqqinnittarfiit nunamut tamarmut atuut-tunut aningaasanut pilersaarussianut naleqqiullugu 2004-mi atuiffiunerujumaartut. Illua'tungeriit isumaqatigiipput atuinerrussut tamanna aningaasanut pilersaarusiorfimmut 2006-imut tunngatillugu ataatsimoortumik tapiissutitigut iluarsiiisuteqarfigineqassasoq.

Illua'tungeriit isumaqatigiipput tamatuma tungaatigut pitsaanerusumik ataqatigiissaarineq peqati-giillutik ingerlateqqinniarlugu, aammalu ilaatigut 2006-imut kommunit ataatsimoortumik tapiissuu-tissaasa isumaqatigiinniutigilinnginnerini malitseqartitsinermi aningaasanut tunngassuteqartut er-seqqissarniarlugit.

8. Meeqqat inuusuttullu ikiorneqarnerat pillugu Inatsisartut peqqussutaata nr. 1-ip 15. april 2003-meersup malitseqartinneqarnera

Meeqqat inuusuttullu ikiorneqarnerat pillugu peqqussut Inatsisartut 2003-mi apriliip 15-ianni isu-maqatigiissutigaat 2003-mi juulip aallaqqaataani atuutilersussanngorlugu. Tassunga atasumik il-lua'tungeriit isumaqatigiipput kommunit ukiumoortumik ataatsimoortumik tapiissutitigut 2003-mi 7.927.000 kr.-nik, 2004-miillu 15.854.000 kr.-nik taarsiisuteqarfigineqartassasut. Kisitsisit immik-kuutaarlugit meeqqat inuusuttullu ikiorneqarnerat pillugu Inatsisartut peqqussutaannut oqaaseqaati-nut ilaliussami takuneqarsinnaapput.

Meeqqat inuusuttullu ikiorneqarnerat pillugu peqqussutip nutaap tamatuma nassataanik kommunit aningaasartuutaat 2006-imut kommuninut ataatsimoortumik tapiissutissat isumaqatigiinniutiginis-saannut atatillugu naatsorsorniarlugit illua'tungeriit isumaqatigiipput. Naatsorsuinissami meeqqanut inuusuttunullu tunngasut tamaasa ilanngunneqassapput aammalu kommunit soorlu assersuutigalugu meeqqanik ikinnerusumik paaqqinnittarfinnut inissiinikkut sipaaruteqarsimanersut ilanngullugu isiginiarneqassalluni.

9. Annertussusisamik immikkut atuartitsineq

Illua'tungeriit isumaqatigiipput annertussusisamik immikkut atuartitsinermut taarsiisutissap a-ngissusissaa, ukiumut annertussusisamik immikkut atuartitsinermi nal. akunneri atorpeqarsimasut ilisimaneqartut kingulliit 108.150-iusut tunngavigalugit 2005-imi nal. akunneranut atuartitsiviusu-mut minuttinik 60-inik sivisussusilimmut 469.20 kr.-nut aalajangerniarlugu. Nal. akunneranut aki-liummi tassani ilinniartitsisut atorfilinnut (tjenestemandinut) aammalu isumaqatigiissutit tunngavi-galugit atorfeqartunut agguaassimanerat aamma naatsorsuutigineqareerpoq.

Annertussusisamik immikkut atuartitsinermut tunngatillugu suliaasat nammagassallu agguaanne-qarnerata 1.1.1999-imiit allanngortinneqarnerani illua'tungeriit immikkut ittumik annertuumik atu-artitsinermi sap. akunneranut nal. akunneranut ataatsimut naatsorsorlugu ukiumut taarsiisutissap angissusissaa naatsorsorpaat. Illua'tungeriit taamanikkut angissusiliipput ilinniartitsisup tjeneste-mand-itut atorfeqartup ukiuni 37-ni atorfeqarnerani agguaqatigiissitsinikkut, ilinniartitsisup aggua-qatigiissillugit akissarsiai aallaavigalugit, tassa taamanikkut isumaqatigiissutit tunngavigalugit ator-feqartunik ilinniartitsisoqanngimmat.

Taarsiissutissat amerlassusissaat KANUKOKA'p ilinniartitsisut tjenestemanditut atorfeqartunut isumaqatigiissutillu tunngavigalugit atorfeqartunut agguataarsimanagerat naatsorsuutigalugu naatsorsorsimavai. Massakkut ilinniartitsisut 31 %-iisa missaat isumaqatigiissutit tunngavigalugit atorfeqartuupput. KANUKOKA'p naatsorsuineri aallaavigalugit illua'tungeriit isumaqatigiippu kommu nit ilinniartitsisut taama nutaamik katitigaanerannut 2003-mut tunngatillugu 994.000 kr.-nik, 2004-mullu tunngatillugu 786.000 kr.-nik taarsiissuteqarfigineqassasut. Taamaattumik illua'tungeriit isumaqatigiippu ataatsimoortumik tapiissutit ataasiaannarluni akiliutigineqartussanik 2005-imi 1.780.000 kr.-nik qaffanniarlugit.

10. Eqqakkat kuuffiinu pingaarnernut aningaasaleeqqissutit

Eqqakkat kuuffiisa iluarsartariaqarnerat illua'tungeriit isumaqatigiissutigaa.

10.1 Eqqakkat kuuffiinu pingaarnernut 2005-imi aningaasaleeqqinnissap 2004-mi piareersarneqarnera

Naalackersuisut tamatumani suliniutissat piaartumik aallartitinniarlugit Inatsisartut Aningaasaqarnermut Ataatsimiititaliaat qinnuiginiarpaat eqqakkat kuuffiinu pingaarnernit iluarsartornissaata pilersaarusiornissaanut aningaasaliissutit, kommu nit 2005-imi suliarititassaap piareersarniarlugit, 2004-mi 1,5 mio. kr.-nik qaffanneqarnissaannut akuerseqqullugit.

10.2 Eqqakkat kuuffiinu pingaarnernut 2005-imiit aningaasaleeqqinnissat

Kommu nit eqqakkat kuuffiisa pingaarnernit iluarsartornissaannut ukiuni siusinnerusuni namminneq kisimiillutik suliniutigalugu aningaasartuutigisimasaasa Namminersornerullutik Oqartussanit akilernerneqarnissaat KANUKOKA'p kommu nit sinnerlugit piumasaqaatigisimavaa. Namminersornerullutik Oqartussat kissaatigisimanngilaat sanaartukkanut, aningaasaliissuteqarfigiumaarlugit Namminersornerullutik Oqartussat siumoortumik neriorsuuteqaatigisimanngisaannut, aningaasartuutit kin gumoortumik ataatsimoortumik tapiissuteqarfiginissaat kissaatigisimanngilaat.

Tamakkununga taarsiullugit illua'tungeriit isumaqatigiissimappu 2005-imiit 2009-mut eqqakkat kuuffiisa iluarsartornissaannut katillugit 85,0 mio. kr. immikkoortikkumallugit. Aningaasat taakku iluarsartuussinnermut aningaasartuutinu tamanik matusisussaappu, tassa pilersaarusiorneq misissueqqaarnerlu ilanngullugit. Illua'tungeriit isumaqatigiippu ataatsimoortumik tapiissutit 2005-imi ukiunilu 2006-imiit 2009-mut ukiut tamaasa 17,0 mio. kr.-nik qaffanniarlugit. Ataatsimoortumik tapiissutit 2010-miit aallaavittu isigalugu 17,0 mio. kr.-nik apparteqqinneqassappu, illua'tungeriilli eqqakkat kuuffiisa nutarternissaat pillugit 2010-miit isumaqatigiinniaqqilersinnaappu.

Kommu nit imminnut pisusaatippu ilaliussaq 2, ataatsimoortumik tapiissutit pillugit ukiumoortumik isumaqatigiissutaasartuni nutarterniarlugulu malitseqartittarniarlugulu illua'tungeriit isumaqatigiissutigisaat, naapertorlugulu aningaasat taakku 2005-imiit 2009-mut eqqakkat kuuffiisa iluarsartornissaannut atorniarlugit. Illua'tungeriit isumaqatigiippu KANUKOKA'p kommu nit tamaasa sinnerlugit inassutigisai malillugit agguattarniarlugit. Eqqakkat kuuffiisa iluarsartornerannut ataatsimoortumik tapiissutigut angusat atuinerlu pillugit KANUKOKA 2009 naatinnagu nalunaaruteqarumaarpoq.

Naalackersuisut 2005-imi aningaasanut inatsisissatut siunnersuummi Inatsisartut qinnuiginiarpaat eqqakkat kuuffiisa 2005-imi aammalu 2006-imiit 2009-mut ukiut tamaasa, pilersaarusiornissaq misissueqqaarnissarlu ilanngullugit, taaneqartutut ukiumut 17,0 mio. kr.-nik aningaasaliiffigineqartarnissaannik kommu nit neriorsorneqarnissaannut akuerseqqullugit, kommu nit tamatumuuna

ukiunut arlalinnut pilersaarusiornissaminnut iluarsartuussinissaminnullu aningaasatigut qulakkeerunneqarniassammata.

Illua'tungeriit isumaqatigiipput aningaasat taakku ataatsimoortumik tapiissuteqartarnerup pissuseqataanik pinnatik kommuninut ataasiakkaanut immikkoortiterlugit agguanneqartassasut, sumi eqqakkat kuuffiisa pingaarnerit iluarsartortariaqarneri nukinginnarnerpaanersut apeqqutaatillugu. Taamaattumik aningaasat kommuninut ataasiakkaanut aaqqissuussaanikkut tapiissutitut agguanneqassapput. Ukiuni 2005-imiit 2009-mut kommunit ataasiakkaarlugit taakkununga aaqqissuussaanermut tapiissutit illua'tungeriit ukiut tamaasa iluarsissuteqarfigisassavaat iluarsartuussiniarnerni ataasiakkaani ineriartornerup nassataanik pisariaqartitsineq naapertorlugi, taakkununga ilaatillugit iluarsartuussiniarnerni ataasiakkaani ileqqaakkat akitsortoorutillu. Kommunit ukiuni 2005-imiit 2009-mut eqqakkat kuuffiinik iluarsartuussinissamut Namminersornerullutik Oqartussanit aningaasaliiffigineqarnissaminnik piumasaaqqinniangillat.

11. Annertussusileriikkamik ikiorsiissutit

Annertussusileriikkamik ikiorsiissutit akileraarutaasussanngornissaat aammalu SIK malillugu akisarsiat minnerpaaffissaasa 90 %-iannut qaffanneqarnissaat Naalakkersuisut Inatsisartut ukiaru ataatsimiinnissaanni siunnersuutiginiarpaat. Isariaqavissuinnarnut ikiorsiissutit isertitat akileraarutaasusatsat naatsorsorneranni ilanngutassaapput, kisiannili akileraarutigitinneqassanatik.

Allanngortitsinissaq Inatsisartut akuerissappassuk illua'tungeriit ilimagaat allannguut ataatsimut isigalugu pisortat karsiinut aningaasatigut sunniuteqassanngitsoq. Annertussusileriikkamik ikiorsiissutit allanngortinneqarneratigut kommunit ataasiakkaat akileraarutigut isertitaqarnerulissapput, kisiannili annertussusileriikkamik ikiorsiissutit suli amerlanerussunik aningaasartuuteqalissallutik. Allanngortitsineqassappat tamanna kommunit aningaasanik annaasaqaatigissanngikkaat Naalakkersuisut naatsorsuutigaat.

Allanngortitsinissaq Inatsisartut akuerissappassuk illua'tungeriit peqatigiillutik naatsorsukkatik tungavialugit ilimagaat kommunit aningaasartuutaasa amerlissutaasa isertitaasalu amerlissutaasaningassutaat suliffeqanngitsut 2,500-utillugit ukiumut 3,5 mio. kr.-iussasut, takukkit suliffeqanngitsut agguaqatigiissillugit qassiunerinik Kalaallit Nunaanni Naatsorsueqqissaartarfiup naatsorsugai. Taamaattumik allannguutissaq Inatsisartut akuerissappassuk illua'tungeriit isumaqatigiipput ataatsimoortumik tapiissutit 2005-imiit 3.500.000 kr.-nik qaffanneqassasut.

Allannguneq kommunini ataasiakkaani assigiinngisitaartumik sunniutissaaq, suliffeqanngitsut qassiunerat apeqqutaalluni. Taamaattumik allannguinissaq Inatsisartut akuerissappassuk illua'tungeriit isumaqatigiipput 3,5 mio kr. taakku kommuninut ataasiakkaanut aaqqissuussaanermut tapiissutitut agguaattarniarlugit, taamaalilluni kommunenut ataasiakkaanut allannguut 2005-imut ataatsimoortumik tapiissutitigut matussuserneqartassalluni ilaliussaq 3-mi takutinneqartutut.

12. Kommunit ataatsimoortumik akileraarutip, inummut ilanngaatic, nalinginnaasumik ilanngaatic aamma assigiimmik akeqartitsinerup allanngortinnissaat

Inatsisartut aalajangerput kommuninut ataatsimoortumik akileraarut 2005-imiit 2 procent-imik qaffanniarlugi. Inatsisartut aalajangerput tamanna peqatigalugu ilanngaatic 2005-imiit 10.000 kr.-nik qaffanniarlugit. Naalakkersuisut siunnersuutiginiarpaat innaallagissamut, imermut kiassarnermullu akit illoqarfinni nunaqarfinnili ataasiakkaani assigiimmik akigitinneqartup 50 %-ianut appartinneqarsinnaasut aningaasartuutit akinut assigiissunut aalajangersumik akinut naatsorsornerannit anni-

kinneruppata. Paarlattuanik illoqarfinni nunaqarfinnilu aningaasartuutit assigiimmik akigitinneqartup aalajangersumik akinut naatsorsorneranit qaffasinneruffiini akit qaffassapput. Akit assigiimmik akigitinneqartup aalajangersumik akinut naatsorsornerata 10 %-ia sinnerlugu ukiumut qaffassinnaassanngillat. 2009-mi akiat assigiimmik akigitinneqartup aalajangersumik akinut naatsorsorneranit annerpaamik 50 %-imik qaffasinnerusinnaavoq.

Naalackersuisut naatsorsuutigaat allannguutit ataatsimut isigalugit innuttaasut akileraarutit millinerisigut aammalu innaallagissap, erngup kiassarnerullu akikillinerisigut 2005-imi 100 mio. kr. sinnerlugit pissarsissutigissagaat, taakkunanga 37 mio. kr. akileraarutit millinerinut tunngasuullutik. Namminersornerullutik Oqartussat taamaalillutik isertittakkamik ilaat 100 mio. kr. sinnillit annaasavaat. 2005-imi aningaasanut inatsisissatut siunnersuummi naalackersuisut siunnersuutiginiarpaat annaasassat taakku tapiissutitigut ingerlatsinermullu aningaasaliissutitigut ileqqaaruteqarnikkut, aamma Namminersornerullutik Oqartussat 2005-imi aningaasanut inatsimmi sinneqartoorutissatut siunniunneqartut ikilisinnerisigut aningaasalorsorneqassasut. Tamakku saniatigut naalackersuisut siunnersuutiginiarpaat pisortat suliffeqarfiutaat taamaasa ataasiakkaarlugit tapiissutigisartakkaat assigiimmik akeqartitsinerup nutarterneratigut aningaasartuutaasa amerlissutaat ikilissutaallu iluarsiisuteqarfigisarniarlugit, aammalu kommunit ataasiakkaarlutik tamarmik ataatsimoortumik tapiissutisiaat iluarsiisuteqarfiginiarlugit, taamaalillutik kommunit allannguutitigut annaasaqassanatik iluanaaruteqassanatilluunniit. Namminersornerullutik Oqartussat suliffeqarfiutaannut aningaasaliissutit tamatuma pissuseqataanik iluarsiisuteqarfigineqassapput.

Allannguutissat ilaatigut aningaasaqarnikkut politikikkut qasukkaallatsitsinermut, aningaasarsiornermi namminersortut ingerlatsinerata allineranik kinguneqarniartussamut atasuupput. Taamaattumik naalackersuisut siunnersuutigaat aningaasat innuttaasut pisiutigisinnaasaasa allannguutaat aningaasannorlugit, soorlu assersuutigalugu soraarnerussutisialinnut inummut tapiissutinik tunniussisarnerni kommunit ilanngaatisassanngikkaat.

12.1 Kommunitinut ataatsimoortumik akileraarutip, inummut ilaanngaatic nalinginnaasumillu ilaanngaatic qaffannissaat

Inatsisartut aalajangerput kommuninut ataatsimoortumik akileraarut 2005-imiit 2 procent-imik qaffanniarlugu. Inatsisartut aalajangerput tamanna peqatigalugu inummut ilanngaat 2005-imiit 8.000 kr.-nik, nalinginnaasumillu ilanngaat 2005-imiit 2.000 kr.-nik qaffanniarlugit. Taamaalineratigut kommuninut ataatsimoortumik akileraarut 2005-imi 6 %-inut aalajangerneqassaaq. Tassuuna aningaasartuutit peereerlugit isertitarineqartussat 300 mio. kr. missaat, inuttussuseq tunngavigalugu agguaallugit 2005-mi akileraarutitigut naligiissaarinermi naatsorsuutigineqassapput. Ilaanngaatic kommuninullu ataatsimoortumik akileraarutip allanngortinnerisigut kommunit ilaat, akileraarutitigut naligiisaarereernermi, akileraarutitigut isertitakinnerulissapput, kommunillu allat akileraarutitigut isertitaqarnerulissallutik. Naalackersuisut isumaqarput kommunit isertitaqarnerulernikkut isertitakinnerulernikkulluunniit annaasaqaratillu pissarsissanngitsut.

Illua'tungeriit peqatigiillutik naatsorsuinerikkut naatsorsuutigaat allanngoortitsinikkut kommunit isertitaqarnerulissutissaat 2005-imiit katillutik minnerpaamik 4,9 mio. kr.-ujumaartut. Taamaattumik illua'tungeriit isumaqatigiipput ataatsimoortumik tapiissutit 2005-imiit 4.932.000 kr.-nik appar-tinniarlugit.

Allanngortitsineq kommunini ataasiakkaani isertitaqartarnikkut pissutsit apeqqutaatillugit kommunini ataasiakkaani assignngitsumik sunniutissaaq. Taamaattumik illua'tungeriit isumaqatigiipput

4,9 mio. kr. taakku kommunit ataasiakkaarlugitt aaqqissuussaanerannut tapiissutitigut agguaanniarlugit 2005-imut ataatsimoortumik tapiissutini kommuninut ataasiakkaanut allannguutit ilaliussaq 3-mi takutinneqartutut naligiissarniarlugit.

12.2 Assigiimmik akeqartitsinerup allangortinnissaa

Naalakersuisut siunnersuutiginiarpaat innaallagissap, erngup kiassarnerullu illoqarfinni nunaqarfinnilu ataasiakkaani 2005-imiit akii assigiimmik akigitinneqartut aalajangersimasumik akinut naatsorsornerisa 50 procentiinut apparsinnaassasut, aningaasartuutit assigiimmik akigitinneqartut aalajangersimasumik akinut naatsorsornerinit annikinnerusimappata. Paarlattuanik illoqarfinni nunaqarfinnilu aningaasartuutit assigiimmik akigitinneqartup aalajangersumik akinut naatsorsorneranit qaffasinneruffiini akit qaffassapput. Akit assigiimmik akigitinneqartup aalajangersumik akinut naatsorsornerata 10 %-ia sinnerlugu ukiumut qaffassinnaassanngillat. 2009-mi akiat assigiimmik akigitinneqartut aalajangersumik akinut naatsorsornerannit annerpaamik 50 %-imik qaffasinnerusinnaavoq.

Aallanquineq kommunit ilaannut innaallagissamut, imermut kiassarnermullu aningaasartuutaanerulissaq kommuninullu allanut aningaasartuutikillissutaassalluni. Naalackersuisut isumaqarput kommunit allanquinikkut aningaasartuuteqarneruleratillu aningaasartuutikillissanngitsut.

Namminersornerullutik Oqartussat naatsorsuinerat tunngavigalugu illua'tungeriit naatsorsuutigaat kommunit innaallagissamut, imermut kiassarnermullu aningaasartuutaat tamakkerlutik 2005-imi allanquinerup nassataanik 8,3 mio. kr.-nik ikileriarumaartut. Namminersornerullutik Oqartussat ilisimatitsissutigaat pilersuutit tapiissutitigut aningaasalersugaasut pigisanik nalikilliliisernerinut tunngasumik aningaasartuutit naammasissutaasumik naatsorsorneri Nukissiorfinnit taassumalu kukkunersiuisuanit sulitiguneqarsimanngitsut.

Naalackersuisut assigiimmik akeqartitsinerup nutarterneqarnissaanik siunnersuut Inatsisartut 2004-mi ukiakkut ataatsimiinnissaanni saqqummiunniarpaat. Illua'tungeriit isumaqatigiippup assigiimmik akeqartitsinerup nutarterneqarnissaa Inatsisartut akuerissappassuk taava kommuninut ataatsimoortumik tapiissutissat isumaqatigiinniutigeqqinneqassasut, taamaalillutik kommunit ataasiakkaarlutik assigiimmik akeqartitsinerup nutarterneratigut atuinertik allangortinnagu 2005-imi aningaasartuutaasa allissutissaat millissutissaallu ataatsimoortumik tapiissutitigut naligiissarneqarniassammata.

Allanquineq kommunini ataasiakkaani atuineq tassanilu innaallagissamik, imermik kiassarnermillu atuinermut ataatsimoortumik aningaasartuutit apeqqutaallutik assigiinngitsumik sunniuttussaavoq. Taamaattumik illua'tungeriit isumaqatigiippup kommuninut ataasiakkaanut 2005-imut ataatsimoortumik tapiissutit allannguutissaat naligiissarsinnaajumallugit ataatsimoortumik tapiissutissat allannguutissaat kommunit ataasiakkaarlugit aaqqissuussaanermmut tapiissutisiaannut immikkoortiterlugu agguaattariaqassasoq. Ilaliussaq 3-p takutippaa Namminersornerullutik Oqartussanit naatsorsukkat maannakkut pigineqartut tunngavigalugit naatsorsuinissamut assersuut.

Illua'tungeriit 2009 tikillugu kommuninut, assigiimmik akeqartitsinerup nutarterneqarneratigut aningaasartuuteqarnerulersunut, ataatsimoortumik tapiissutit qaffattariaqartassavaat. Naalackersuisut Inatsisartunut siunnersuutiginiarpaat assigiimmik akeqartitsinerup nutarterneqarnerata sunniutai 2007-imi nalilersoqqullugit, aammalu kommuninut sunniutaat nutarterinerup Inatsisartunit nalilerneqarnissaanut tunngavissanut ilanngunneqassasut. Naalackersuisut Inatsisartunut siunnersuutiginiarpaat tamatuma kingorna isummerfigeqqullugu nutarterineq 2009-p kingornagut qanoq ingerlateqqinneqassanersoq.

Assigiimmik akeqartitsinerup nutarterneqarnissaa Inatsisartut akuerissappassuk illua'tungeriit isumaqatigiipput assigiimmik akeqartitsinerup nutarterneqarnerata nassataanik ataatsimoortumik tapiissutit siunissani iluarsiiisuteqarfigineqartarnissaata naatsorsornissaannut tunngavissanut ilanngullugu, kommunit pilersuissutinik 2004-mi atuinerat naatsorsorlugu kommunit atuinerat malitseqartinniarlugu. Illua'tungeriit aamma isumaqatigiipput pisariaqavissuinnarnut ikiorsiissutinut aningaasartuutitut sunniutit, assigiimmik akeqartitsinerup nutarterneqarneranik toqqaannartumik peqquteqartinneqarsinnaasut, misissorumallugit.

13. Ikuallattoqarnissaanut upalungaarsimaneq

2004-mut ataatsimoortumik tapiissutit pillugit isumaqatigiisummi allassimavoq: "1996-imi suleqatigiisitat Kalaallit Nunaanni ikuallattoqarnissaanut annaassiniarnissamullu upalungaarsimaneq pillugu nassuiaammik saqqummiussipput. Suleqatigiisitat ilaatigut ima inerniliipput: "Inatsisit ul-lutsinnut naleqqukkunnaarsimasutut aammalu pissusiviusunut naapertuutinngitsutut isumaqarfigineqarput. Assersuutigalugu qatserisartut ikuallattoqarnissaanut killeqarfiliussat avataanni qatserisariaqartarput aammalu suliaassanik inatsisiliunneqanngitsunik suliaqartarlutik, tassunga ilanngullugit annaassiniartarnerit, qatserisartoqarfiiit aningaasaliiffigineqaatiginngisaat, aammalu naammattumik atortussaqaarfiginagillu ilinniartinneqaatigisimannngisaat."

Illua'tungeriit isumaqatigiipput ikuallattoqarnissaanut upalungaarsimanissamut nutaamik peqqussu-siorluni suliaq ingerlateqqinneqassasoq, aammalu peqqussusiassamut siunnersuutip aningaasatigut allaffissornikkullu kingunerisassai, tamatuma nassataanik nalunaarutissat ilanngullugit, peqqussu-tissamut siunnersuutip naalakkersuisunit Inatsisartunut saqqummiunneqannginnerani qulaajarneqas-sasut.

Naalakkersuisut nutaamik inatsisiliornerup nassataanik kommunit 2005-imiit ikuallattoqarnissaanut upalungaarsimanermut aningaasartuutaasa amerlissutissaannut sillimmatissanik 2004-mut aningaa-sanut inatsisissamut siunnersuummili immikkoortitsisimapput.

Tamanna tunngavigalugu illua'tungeriit isumaqatigiipput peqqussutissamut siunnersuut 2005-imiit atuuttussanngorlugu Inatsisartut akuerissappassuk ikuallattoqarnissaanut upalungaarsimanermut tunngasutigut 2005-imut ataatsimoortumik tapiissutissat pillugit isumaqatigiinniarnit nanginniar-lugit.

14. Eqqakkat pillugit iliussissanut pilersaarut

Eqqakkat pillugit iliussissanut pilersaarusiassamut siunnersuummik naalakkersuisut Inatsisartunut saqqummiussisimanngillat. Inatsisiliorortoqareerpat nalunaarusiortoqareerpallu aatsaat pilersaarut pillugu ataatsimoortumik tapiissutissat pillugit isumaqatigiinniartoqassaaq.

Illua'tungeriit isumaqatigiipput nutaamik inatsisiliornerup aningaasatigut allaffissornikkullu kom-muninut kingunerisassai aamma peqqussutissamut siunnersuutip nassatarisassai inatsisit nutaat a-tuutilersinnagit nalunaallineqarsimassasut, aamma tamatumunnga tunngasut 2006-imi ataatsimoor-tumik tapiissutissat pillugit isumaqatigiinniarnit nangeqqinneqassasut.

15. Illuliorfissanik piareersaaneq – aqquserngit, eqqakkat kuuffii imerlu

Naalakkersuisut KANUKOKA'lu illuliorfissanik piareersaaneq pillugu suliaassanut tunngatillugu suliaassat nammagassallu agguanneqarnissaat pillugu nutaamik 1998-imi jannuaarip aallaqqaataa-

niit atuutilersussamik 1997-imi ukiakkut isumaqatigiissuteqarput. Suleqatigiissitat kommunini illuliorfissanik piareersaasernerup immikkoortuisa ilaat 2003-mi sammisimavaat. Kommunit illuliorfissanik piareersaanermut akileeqataasitsinissamut aalajangersakkatigut ullumikkut tunngavissaqannginnerarlugit suleqatigiissitat inerniliigallarnerat illua'tungeriit isumaqatigiissutigaaat.

Inatsisitigut tunngavissamut siunnersuut, illuliorfissanik piareersaasernerup atuisunik akileeqataatitsisarnissamut 2005-ip ingerlanerani kommuninut inatsisitigut tunngavissiisusaaq naalakkersuisut Inatsisartunut saqqummiuttussaavaat.

16. Innarluutillit tungaatigut aningaasartuutit amerliartornerisa misissorneqarnera

Inuit annertuumik innarluutillit ikiorneqartarnerat pillugu Inatsisartut peqqussutaat nr. 7 1994-imi novembarip pingajuaneersoq naapertorlugu ikiuutisisartut piffissami 1998-imiit 2003-mut amerliartorsimapput. Taamaattumik pisortat innarluutilinnik ikiuinerup aningaasartuutaat piffissami tassani misinnartumik amerlisimapput.

Innarluutillit pillugit peqqussut naapertorlugu innarluutilinnik sullissineq Namminersornerullutik Oqartussanit aningaasalersugaavoq, taamaattorli kommunit tamakkunatigut allaffissornermut aningaasartuutaat kommuninit namminernit akilerneqartarlutik.

Innarluutilinnut tunngatillugu aningaasartuutaasut pingaarutillit ilagaat nal. akunneri inunnut tapersersortaasunut atorneqartartut, innarluutilinnut namminneq najukkaminni nammineersinnaanngornissamut perorsaanikkut ikiorneqarnissamik pisariaqartitsisunut atortinneqartartut. Nal. akunneri inunnut tapersersortaasunut atugassanngortitat Namminersornerullutik Oqartussanit tunniunneqartarput taarsiissutigineqarnissaat neriorsuutigalugu, tamatumalu aningaasartuutit neriorsuummut atuumassuteqartut taarserneqarumaarnissaannik kommunit qulakkeerisittarpaat, tak. nal. akunneri inunnut tapersersortaasunut taarsiissutissat pillugit Ilaqutariinnermut Pisorta qarfiup najoqqutassiaa 2001-imi maajip pingajuaneersoq. Kommunit innarluutillit tungaatigut misiligutitut aqqissuussinermi peqataasut taarsiissutinik pineq ajorput, kisiannili aningaasartuuteqartarlutik aningaasaliissutitut tapiissutitut aningaasanut inatsimmi aningaasaliissutigineqareertartut iluanni.

Kommunit naatsorsuutaasa takutippaat kommunit misiligutitut aqqissuussinermi peqataagaluartut innarluutilinnut tunngasutigut aningaasartuutaat tamakkerlugit taarsiissutitigut imaluunniit Namminersornerullutik Oqartussanit tapiissutitigut matussutissineqarneq ajortut, tak. nal. akunneri inunnut tapersersortaasunut taarsiissutissat pillugit Ilaqutariinnermut Pisorta qarfiup najoqqutassiaa 2001-imi maajip pingajuaneersoq.

Illua'tungeriit isumaqatigiippat innarluutillit tungaatigut aningaasartuutit ukiuni 1998-imiit 2005-imit qaffannerannut pissutaasoq misissorniarlugu. Aamma illua'tungeriit suleqatigiillutik innarluutillit tungaatigut siunissami aqqissuussinissamut siunnersuusiorniarput, tassuuna siunertaralugu tamatuma tungaatigut allaffissornikkut ingerlatsinerup akikinnerulernissaa qulakkeerneqassasoq, aammalu aningaasartuutissanik atugassanngortitsisinnaatitaanerup aamma aningaasartuutissanut aningaasaliisussaataitanerup sapinngisamik ataatsimoortumik inissinneqarnissaat. Tamatumani aallaaviuvoq aningassaliissuteqartarnerup agguataarneqarnera, inuit annertuumik innarluutillit ikiorneqartarnerat pillugu Inatsisartut peqqussutaanni nr. 7 1994-imi novembarip pingajuaneersumi aalajangersarneqartoq.

17. 2006-imiit tamanut tunngatillugit nutaamik pingaarnersiutinissat

2005-imi aningaasanut inatsisissami Naalakkersuisut siunnersuutiginiarpaat Namminersornerullutik Oqartussani suliaasaqarfinni allani sipaarniuteqarnikkut inuutissarsiornikkut ilinniartitaanikkullu suliniutissat nutaat aningaasaliiffigineqassasut. 2004-mi aningaasanut inatsimmi Namminersornerullutik Oqartussat tapiissutitut allaffissornermullu aningaasartuutitut 2007-mi 100 mio. kr.-it misaannut qaffattussanut sipaarniuteqassamaarput. Tamatumunnga ilagitillugu Namminersornerullutik Oqartussani allaffissornermut aningaasartuutinik ikililerinissamik Naalakkersuisut siunnersuuteqasapput, taamatullu siunnersuuteqassamaarlutik ingerlatsinermut aningaasartuutit suli annerusumik sipaarniarfigineqarnissaannik, ilaatigut suliniutit taaneqartut akissaqartinneqarsinnaaqullugit.

Naalakkersuisut naatsorsuutigaat 2005-imi aningaasanut inatsisissatut siunnersuummut ilanngunneqassasoq kommuninut ataatsimoortumik tapiissutit 2006-imi 25 mio. kr.-inik, 2007-imi 50 mio. kr.-inik aammalu 2008-mi 75 mio. kr.-inik ikilineqarnissaat suliniutissat aningaasasaqartinneqarniasammata nunamut tamarmut kommuninullu iluaqutaaniartussanik.

Taamaattumik Naalakkersuisut siunnersuutigaat kommunit Naalakkersuisullu suleqatigiissasut ilinniartitaanermi, suliffissaqarnermi inuutissarsiornermilu iliuuseqarnerunissaq akissaqartikkumallugu.

Naalakkersuisut kommunillu tamanna pillugu oqaloqatigiinnissartik aallartikkumaarpat septembarimi 2004-mi borgmesterit kommunaldirektørillu ataatsimiinnissaanni, 2006-imi ataatsimoortumik tapiissutissat isumaqatigiinniutigineqarnissaat eqqarsaatigalugu.

Nuuk, juunip 22-at 2004

Josef Motzfeldt
Aningaasaqarnermut Nunanullu Allanut
Tunngasunut Naalakkersuisoq

Jens Lars Fleischer
Kalaallit Nunaanni Kommuneqarfiit Kattufianni Siulittaasoq

Ilaliussaq 1. Aningaasanut pilersaarusiortumut 2005-imut kommuninut ataatsimoortumik tapiissutissat pillugit isumaqatigiissutip immikkuualuttortai

	Isumaqatigiissut			
	2005	2006	2007	2008
2004-mut isumaqatigiissummi aallaaviusoq	780.365.000	780,4	780,4	780,4
1. Akit akissarsiallu iluarsissutaat	20.645.000	20,6	20,6	20,6
2.1 Siusinaartumik soraarnerussutisiat	3.686.000	9,6	15,1	21,0
4. Ingerlatseqatigiiffiit akileraarutaat	-5.000.000	-5,0	-5,0	-5,0
5. Meeqqat atuarfiannut ilanngutsitsineq	1.436.000	2,3	2,3	2,3
6. Atuarfitsialak	426.000	-0,2	0,3	-6,3
7.1 Meeqqat inuusutullu tungaatigut nutaamik aningaasanut pilersaarusiorteq	-13.121.000	-13,1	-13,1	-13,1
7.3 Meeqqat inuusuttullu tungaatigut ulloq unnuarlu paaqqinnittarfiit (2003)	-4.155.000	0,0	0,0	0,0
9. Annertuumik immikkut atuartitsineq	1.780.000	0,0	0,0	0,0
10.2 Eqqakkat kuuffiit aningaasaleeqqissutit	17.000.000	17,0	17,0	17,0
12.1 Kommuninut ataatsimoortumik akileraarutinut ilanngaatinullu iluarsissutit	-4.932.000	-4,9	-4,9	-4,9
Aningaasanut pilersaarusiortumut 2005-imut kommuninut ataatsimoortumik tapiissutissat pillugit isumaqatigiissut	798.130.000	806,7	812,7	812,0
<u>Ataatsimoortumik tapiissuteqartarnermut tunngasut kingusinnerusukkat isumaqatigiinniutaajumaartut</u>				
11 Annertussusileriikkamik ikiorsiissutinut iluarsissutit (brutto-nngortitsineq)	3.500.000	3,5	3,5	3,5
12.2 Assigiinnik akeqartitsinerup allanngortinnera	-8.334.000	-7,0	-6,1	-5,1
13. Ikuallattoqarnissaanut upalungaarsimaneq	0	7,3	7,3	7,3
14. Eqqakkat pillugit iliuusissanut pilersaarusiaq	0	8,6	7,7	7,7
8. Meeqqat inuusuttullu pillugit Inatsisartut peqqussutaanni ilaqtariit inuusutissarsiuutigalugu angajoqqaarsiaasartut	0	-3,5	0,0	0,0
8. Meeqqat inuusuttullu pillugit inatsisartut peqqussutaata malitseqartinnera	0	-3,1	-1,2	-1,2
17. Pisortani ataatsimut atuuttumik allatut pingaarnersiunerit	0	-25,0	-50,0	-75,0